

MALAYSIA

DEWAN RAKYAT

ATURAN URUSAN MESYUARAT

NASKHAH SAHIH/BAHASA MALAYSIA

<http://www.parlimen.gov.my>

HARI KHAMIS, 24 OKTOBER 2013, PUKUL 10.00 PAGI

Bil. 28

PERTANYAAN-PERTANYAAN BAGI JAWAB LISAN

1. PR-1313-L57345
Tuan William @ Nyallau anak Badak [Lubok Antu] minta **MENTERI KEMAJUAN LUAR BANDAR DAN WILAYAH** menyatakan apakah status pelaksanaan projek Bekalan Elektrik Luar Bandar (BELB) yang telah diluluskan semenjak tahun 2009 di kawasan Titok, Bunuk Begeing, Brenggang, Gelong dan Bukit Tungku setakat ini.
2. PR-1313-L58877
Dato' Mohd Ariff Sabri bin Abdul Aziz [Raub] minta **MENTERI PERTANIAN DAN INDUSTRI ASAS TANI** menyatakan :-
 - (a) sejak 2012 berapakah jumlah premis yang dibina atau disediakan di bawah EPP2 iaitu pasar-pasar komuniti dan karavan; dan
 - (b) adakah pihak Kementerian bercadang membina premis-premis atau kawasan tetap untuk pasar-pasar komuniti tersebut.
3. PR-1313-L59054
Dato' Abdul Manan bin Ismail [Paya Besar] minta **MENTERI KOMUNIKASI DAN MULTIMEDIA** menyatakan pencapaian yang telah dicapai mengikut program Pusat Internet 1Malaysia, Pusat Jalur Lebar Komuniti Kecil, Perpustakaan Jalur Lebar, Perluasan Liputan Selular (Time 3) dan Komputer 1Malaysia di bawah Inisiatif Jalur Lebar Kebangsaan (NBI).
4. PR-1313-L58036
Puan Teresa Kok Suh Sim [Seputeh] minta **MENTERI DALAM NEGERI** menyatakan jumlah banduan di setiap penjara di Malaysia sehingga 30 September 2013. Nyatakan perbelanjaan makanan bagi setiap banduan setiap hari dan jumlah kos perbelanjaan penjara di seluruh negara bagi tahun 2010, 2011, 2012 dan 2013.

5. PR-1313-L58970
Dato' Sri Azalina binti Dato' Othman Said [Pengerang] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan :-
- (a) berapakah jumlah penduduk bandar yang telah berjaya membeli rumah di bawah pelbagai inisiatif-inisiatif Kerajaan di bawah PR1MA, Syarikat Perumahan Negara Berhad dan Jabatan Perumahan Negara dalam tempoh bermula Januari 2013 sehingga kini dan apakah perangkaan berkaitan bagi keseluruhan tahun-tahun 2011-2012 masing-masing; dan
 - (b) apakah statistik terkini pecahan dan kadar peratusan penduduk kawasan bandar yang memiliki rumah sendiri berbanding dengan yang menduduki rumah sewa bagi setiap negeri atau bandar-bandar utama setiap negeri.
6. PR-1313-L57512
Puan Alice Lau Kiong Yieng [Lanang] minta **MENTERI PEMBANGUNAN WANITA, KELUARGA DAN MASYARAKAT** menyatakan :-
- (a) bilangan Rumah Orang Tua di setiap negeri; dan
 - (b) bilangan orang tua di Rumah Orang Tua di Sibu dan apakah rancangan Kementerian untuk mengatasi ketidak cukupan tempat untuk orang tua yang tiada keluarga atau penjaga.
7. PR-1313-L58639
Datuk Bung Moktar bin Radin [Kinabatangan] minta **MENTERI KEMAJUAN LUAR BANDAR DAN WILAYAH** menyatakan tentang:-
- (a) usaha Kerajaan dalam membantu mempertingkatkan ekonomi masyarakat luar bandar; dan
 - (b) langkah-langkah Kementerian dalam mengeluarkan golongan sasar daripada kepompong kemiskinan.
8. PR-1313-L57307
Dr. Azman bin Ismail [Kuala Kedah] minta **MENTERI PERTANIAN DAN INDUSTRI ASAS TANI** menyatakan sama ada Kementerian sedar bahawa pada bulan Ramadhan yang lalu terjadi lambakan buah-buahan tempatan yang sangat merugikan. Apakah perancangan Kementerian untuk mengatasi masalah ini di masa hadapan.
9. PR-1313-L58190
Datuk Madius Tangau [Tuaran] minta **PERDANA MENTERI** menyatakan berapakah bilangan penjawat awam pelbagai kategori daripada Sabah yang ditempatkan di Semenanjung dan Sarawak dan sebaliknya dan berapakah jumlah terkumpul Elaun Perumahan Wilayah dan Imbuhan Tetap Perumahan yang dibelanjakan oleh Kerajaan setiap tahun.

10. PR-1313-L57465
Tuan Shamsul Iskandar bin Mohd Akin [Bukit Katil] minta **MENTERI KOMUNIKASI DAN MULTIMEDIA** menyatakan usaha dalam mempertingkatkan kecekapan penyampaian maklumat melalui perkhidmatan dan produk yang disediakan oleh kementerian kepada masyarakat awam, contohnya tahap kualiti udara dan Indeks Pencemaran Udara (IPU) serta wabak-wabak penyakit seperti denggi dan selsema burung.
11. PR-1313-L58099
Dato' Ir. Haji Nawawi bin Ahmad [Langkawi] minta **MENTERI PENDIDIKAN** menyatakan apakah Kementerian ada perancangan untuk membina sekolah berasrama penuh berteraskan agama yang memberi penekanan pada agama dan sains secara serentak agar dapat mewujudkan pelajar yang lengkap dengan ilmu dan moral.
12. PR-1313-L58237
Tuan Tan Kok Wai [Cheras] minta **MENTERI PEMBANGUNAN WANITA, KELUARGA DAN MASYARAKAT** menyatakan kadar bantuan bulanan yang diberikan kepada setiap kumpulan penerimaan dan adakah Kementerian akan mengkaji semula kadar bantuan sedia ada untuk memerangi kenaikan kos sara hidup yang semakin hari semakin meningkat.
13. PR-1313-L58324
Dato' Ahmad Fauzi bin Zahari [Setiawangsa] minta **MENTERI WILAYAH PERSEKUTUAN** menyatakan sejauh manakah Dewan Bandaraya Kuala Lumpur (DBKL) telah bersedia mengatasi masalah kesesakan lalu lintas di ibu negara akibat peningkatan jumlah pendaftaran kenderaan baru di sekitar Lembah Klang dan akibat pembangunan "*Greater KL*".
14. PR-1313-L59073
Tuan Haji Nasrudin bin Hassan [Temerloh] minta **MENTERI PENDIDIKAN** menyatakan tindakan yang akan diambil terhadap 198 peminjam-peminjam tegar (sehingga 30 September 2013) pinjaman pelajaran Kementerian Pendidikan Malaysia.
15. PR-1313-L58154
Dato' Seri Reezal Merican bin Naina Merican [Kepala Batas] minta **MENTERI KEWANGAN** menyatakan jumlah syarikat antarabangsa yang mengambil peluang insentif "Global Incentive for Trading" (GIFT) yang diumumkan sewaktu Bajet 2013. Apakah penglibatan syarikat-syarikat ini memenuhi perancangan Kementerian Kewangan untuk memperluas aktiviti perniagaan dalam bidang yang dimaksudkan.
16. PR-1313-L57768
Tuan M. Kulasegaran [Ipoh Barat] minta **PERDANA MENTERI** menyatakan butir-butir perjalanan dan "study tour" ke luar negeri yang telah dinikmati oleh hakim-hakim dan nyatakan kos perjalanan tersebut secara terperinci.

17. PR-1313-L58044
Dr. Mansor bin Abd Rahman [Sik] minta **MENTERI PENDIDIKAN** menyatakan adakah Kementerian sedar banjiriran pelajar asing terutamanya dari Nigeria yang mendaftar di kolej-kolej swasta. Mereka ini kebanyakannya hanya mendaftar dalam tempoh yang terlalu singkat iaitu selama 4 bulan atau satu semester. Setelah tamat semester pertama mereka tidak mendaftar semula dan akan terlibat dengan gejala-gejala sosial seperti "internet scammer", "black money", pengedaran dadah dan lain-lain jenayah komersial. Apakah tindakan Kementerian bagi membendung kemasukan pendatang-pendatang yang menjadikan peluang pembelajaran di Institut Pengajian Tinggi Swasta (IPTS) di negara kita sebagai medium gerakan jenayah mereka di sini.
18. PR-1313-L58570
Dato' Kamarudin bin Jaffar [Tumpat] minta **PERDANA MENTERI** menyatakan jumlah pelarian politik di Malaysia sekarang dan pecahan mengikut negara asal mereka.
19. PR-1313-L57962
Dato' Wira Mohd Johari bin Baharom [Kubang Pasu] minta **MENTERI PENDIDIKAN** menyatakan kenapa Kementerian kerap kali mengambil langkah-langkah yang dilihat oleh rakyat khususnya para guru sebagai langkah yang tergesa-gesa, tanpa persediaan rapi dan tanpa kajian terperinci dalam melaksanakan sistem baru seperti Sistem Analisa Peperiksaan Sekolah (SAPS) dan Penilaian Berasaskan Sekolah (PBS).
20. PR-1313-L57289
Tuan Oscar Ling Chai Yew [Sibü] minta **MENTERI DALAM NEGERI** menyatakan status lesen pendaftaran Sarawak United People Party (SUPP). Adakah Parti SUPP sudah digantung oleh ROS. Mengapakah siasatan mengambil masa begitu panjang.
21. PR-1313-L57421
Tuan Nogeh anak Gumbek [Mas Gading] minta **MENTERI KEMAJUAN LUAR BANDAR DAN WILAYAH** menyatakan bilakah kementerian akan melaksanakan Rural Growth Centre (RGC) di daerah Bau, Sarawak.
22. PR-1313-L58513
Tuan Wong Ling Bui [Sarikei] minta **MENTERI KOMUNIKASI DAN MULTIMEDIA** menyatakan apakah langkah-langkah yang akan diambil untuk meningkatkan penggunaan multimedia (Internet) kawasan luar bandar terutama di kawasan pedalaman di negeri Sarawak dan Sabah. Senaraikan jumlah sekolah rendah dan sekolah menengah di kawasan Parlimen Sarikei (P.208) yang masih tidak dapat menikmati kemudahan multimedia (Internet) di sekolah.

23. PR-1313-L59011
Datuk Zahidi bin Zainul Abidin [Padang Besar] minta **PERDANA MENTERI** menyatakan adakah Suruhanjaya Pengangkutan Awam Darat (SPAD) boleh mencegah kereta dan van persendirian (kereta sapu) dari Thailand ataupun milik warga Thailand di Malaysia membawa penumpang yang masuk ke Padang Besar dan Bukit Kayu Hitam terus ke bandar-bandar di Semenanjung. Perkara ini menjejaskan pendapatan para pengusaha teksi di Perlis.
24. PR-1313-L58346
Tuan Tony Pua Kiam Wee [Petaling Jaya Utara] minta **MENTERI KEWANGAN** menyatakan :-
- (a) jumlah dana yang telah dikumpul oleh MRT Co. dan jumlah yang masih diperlukan untuk membiayai kos pembinaan MRT; dan
 - (b) apakah faedah, tempoh dan struktur pinjaman MRT Co.
25. PR-1313-L57584
Tuan Haji Mohd Fasih bin Haji Mohd Fakeh [Sabak Bernam] minta **MENTERI PENDIDIKAN** menyatakan bilangan graduan perubatan, farmasi yang dilahirkan oleh Institut Pengajian Tinggi Awam (IPTA) dan Institut Pengajian Tinggi Swasta (IPTS) dalam negara bagi tahun 2010 hingga 2012 terkini mengikut IPT dan kaum.
26. PR-1313-L57910
Tuan Gooi Hsiao-Leung [Alor Setar] minta **MENTERI KEWANGAN** menyatakan apakah Akta-Akta dan rangka dasar yang dikuatkuasakan oleh Kerajaan untuk memastikan bahawa sumber kewangan kerajaan diurus dengan betul dan tidak disalah guna dalam perolehan barangan dan perkhidmatan oleh Kerajaan.
27. PR-1313-L58560
Tuan Wan Hasan bin Mohd Ramli [Dungun] minta **PERDANA MENTERI** menyatakan kenapa Projek Kertih-Kuantan Railway tidak beroperasi sedangkan ia telah menelan belanja lebih RM200 juta dan telah pun siap.
28. PR-1313-L59108
Tuan Karpal Singh [Bukit Gelugor] minta **MENTERI DALAM NEGERI** menyatakan bilangan penghuni di semua penjara-penjara di negara ini sehingga pada 30 September 2013 dan jumlah yang dibelanjakan untuk penjagaan mereka setiap tahun.
29. PR-1313-L58624
Dato' Dr. Mujahid Yusof Rawa [Parit Buntar] minta **MENTERI PERTAHANAN** menyatakan berapakah kes tindakan disiplin melibatkan anggota tentera yang menjejaskan keistimewaannya sebagai pesara tentera.

30. PR-1313-L57260
Laksamana Pertama Mohamad Imran bin Abd Hamid (B) [Lumut] minta **MENTERI SUMBER ASLI DAN ALAM SEKITAR** menyatakan adakah terdapat perancangan tebatan banjir untuk mempertingkatkan sistem saliran dan pengairan di seluruh kawasan Parlimen Lumut atau Daerah Manjung demi mengelakkan fenomena banjir yang berterusan berlaku khususnya di Kampung Padang Tembak, Lumut apabila berlaku hujan lebat.
31. PR-1313-L58381
Tuan Fong Kui Lun [Bukit Bintang] minta **MENTERI DALAM NEGERI** menyatakan berdasarkan Perjanjian Damai Hatyai 1989, berapa ramai anggota Parti Komunis Malaya (PKM) yang dibenarkan balik ke Malaysia dan jumlah yang tidak dibenarkan balik, nyatakan sebab-sebabnya dan apakah isi kandungan perjanjian tersebut.
32. PR-1313-L58734
Tuan Haji Zainudin bin Ismail [Jelebu] minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan :-
- (a) apakah Kementerian mempunyai program yang sedang dan atau bakal dilaksanakan untuk membantu golongan yang berpendapatan rendah untuk dapat memiliki rumah sendiri; dan
 - (b) apakah kelayakan untuk menyertai program tersebut dan berapa jumlah peruntukan yang telah dibelanjakan untuk tujuan tersebut.
33. PR-1313-L57931
Datuk Seri Panglima Haji Abdul Ghapur bin Haji Salleh [Kalabakan] minta **PERDANA MENTERI** menyatakan :-
- (a) berapakah jumlah projek dan nilai kontrak yang telah ditawarkan oleh pihak PETRONAS di Kimanis dan Sipiting, Sabah; dan
 - (b) bolehkah Kementerian memaklumkan siapakah kontraktor-kontraktor yang dilantik dan apakah kaedah pelantikan dan berapa nilai bagi tiap satu kontrak.
34. PR-1313-L57182
Tuan Abdullah Sani bin Abdul Hamid [Kuala Langat] minta **MENTERI SUMBER MANUSIA** menyatakan tindakan terhadap syarikat-syarikat yang mengambil pekerja asing dan tidak mengambil pekerja tempatan.
35. PR-1313-L57794
Dato' Abd. Aziz bin Haji Sheikh Fadzir [Kulim Bandar Baharu] minta **MENTERI SUMBER MANUSIA** menyatakan apakah perancangan Kementerian untuk membantu 1.24 juta individu di negara ini yang memiliki Sijil Kemahiran Malaysia (SKM) sekali gus membuktikan Malaysia berada pada landasan tepat untuk mencapai sasaran melahirkan 50 peratus tenaga kerja mahir menjelang 2020. Sehubungan dengan itu, apakah pelan tindakan yang telah dirangka untuk memastikan sasaran ini dapat dicapai pada tahun yang telah ditetapkan.

36. PR-1313-L58491
Datuk Ir. Dr. Wee Ka Siong [Ayer Hitam] minta **MENTERI DALAM NEGERI** menyatakan perjalanan Program Pemutihan 6P bagi PATI setakat ini dan bagaimana pihaknya mengambil kira rintihan dan rungutan para majikan yang terpaksa menunggu berjam-jam di pejabat imigresen. Apakah cadangan Kementerian bagi mempermudah proses pemutihan serta meningkatkan keberkesanannya.
37. PR-1313-L57783
Tuan Er Teck Hwa [Bakri] minta **MENTERI PERTANIAN DAN INDUSTRI ASAS TANI** menyatakan senarai subsidi diesel kepada nelayan mengikut kawasan Parlimen, berapakah kes penyelewengan jumlah tangkapan, pendakwaan, dijatuhkan hukuman dan dibebaskan setiap tahun daripada tahun 2008-2013.
38. PR-1313-L58318
Tuan Idris bin Haji Ahmad [Bukit Gantang] minta **MENTERI PENGANGKUTAN** menyatakan berapakah panjang landasan Lapangan Terbang Sultan Azlan Shah Ipoh (LTSAS) yang mula beroperasi pada 1 November 2012 yang menelan kos sebanyak RM42 juta sehingga yang beroperasi hanya penerbangan Firefly sahaja.
39. PR-1313-L58730
Tuan Loke Siew Fook [Seremban] minta **PERDANA MENTERI** menyatakan jumlah permohonan yang telah diterima dan diluluskan untuk rebat RM10,000 Skim Penggantian Bas Sekolah mengikut pecahan kaum serta mekanisme pelaksanaan skim tersebut.
40. PR-1313-L57882
Tuan Charles Anthony Santiago [Klang] minta **MENTERI PERDAGANGAN ANTARABANGSA DAN INDUSTRI** menyatakan pendirian Kerajaan mengenai cadangan meningkatkan status Kaukas Parlimen Mengenai TPPA kepada "Parliamentary Select Committee" supaya Parlimen boleh memberi pendapat dan nasihat kepada Kerajaan.
41. PR-1313-L58242
Tuan Anyi Ngau [Baram] minta **PERDANA MENTERI** menyatakan adakah terdapat perancangan daripada pihak Kerajaan di dalam membantu usahawan Bumiputera di kawasan luar bandar khususnya di Sabah dan Sarawak agar mereka mendapat manfaat sepenuhnya daripada Agenda Pemerkasaan Ekonomi Bumiputera yang diumumkan baru-baru ini.
42. PR-1313-L58183
Dato' Seri Tiong King Sing [Bintulu] minta **MENTERI KESIHATAN** menyatakan adakah pihak Kementerian mempunyai rancangan untuk menyediakan sebuah pusat kesihatan ataupun klinik di Samalaju memandangkan penambahan drastik bilangan pekerja di kawasan perindustrian tertier tersebut.

43. PR-1313-L58478
Tuan Ahmad Baihaki bin Atiqullah [Kubang Kerian] minta **MENTERI PELANCONGAN DAN KEBUDAYAAN** menyatakan berapakah nisbah bilangan buku yang dibaca oleh rakyat Malaysia setahun, dan apakah usaha yang Kementerian telah laksanakan untuk meningkatkannya.
44. PR-1313-L57410
Tuan Wong Chen [Kelana Jaya] minta **MENTERI KEWANGAN** menyatakan :-
- (a) jumlah kos tahunan untuk mentadbir pejabat Khazanah Americas Incorporated di San Francisco; dan
 - (b) apakah keuntungan tahunan Khazanah Americas Incorporated yang diunjurkan.
45. PR-1313-L58761
Tuan Julian Tan Kok Ping [Stampin] minta **MENTERI PERTAHANAN** menyatakan secara terperinci program penukaran kapal terbang Eagle CTRM kepada Unmanned Aerial Vehicle (UAV) yang di anggap berjaya, jumlah kos yang terlibat serta apakah status kapal terbang UAV serta program tersebut.
46. PR-1313-L57957
Puan Kasthuriraani a/p Patto [Batu Kawan] minta **MENTERI DALAM NEGERI** menyatakan sebab dan bilangan kematian akibat kemalangan jalan raya mengikut jenis kemalangan, umur dan kaum serta usaha Kementerian untuk membendung kemalangan jalan raya serta badan-badan yang terlibat.
47. PR-1313-L58805
Dr. Tan Seng Giaw [Kepong] minta **MENTERI DALAM NEGERI** menyatakan faktor-faktor yang menyebabkan berlakunya jenayah di negara ini. Apakah langkah-langkah untuk mengatasinya.
48. PR-1313-L58981
Dr. Mohd. Khairuddin bin Aman Razali [Kuala Nerus] minta **PERDANA MENTERI** menyatakan perancangan jangka panjang untuk memperkasakan institusi media Islam khususnya TV Al-Hijrah dan Radio Institut Kefahaman Islam Malaysia.
49. PR-1313-L57200
Dr. Che Rosli bin Che Mat [Hulu Langat] minta **MENTERI SUMBER ASLI DAN ALAM SEKITAR** menyatakan langkah-langkah dan usaha-usaha yang diambil dalam pemuliharaan sungai-sungai bagi menjamin bekalan air bersih dan sungai yang cantik untuk aktiviti rakyat.
50. PR-1313-L58065
Tuan Khoo Soo Seang [Tebrau] minta **MENTERI PENDIDIKAN** menyatakan langkah-langkah untuk memastikan semua bangunan sekolah adalah selamat digunakan dan tidak merbahaya kepada para pelajar, guru, kakitangan yang menggunakannya. Apakah sebab-sebabnya sekolah-sekolah tertentu perlu menunggu terlalu lama untuk tindakan Kementerian.

51. PR-1313-L58847
Tuan V. Sivakumar [Batu Gajah] minta **MENTERI SUMBER MANUSIA** menyatakan mengenai penyelarasan gaji minima untuk pekerja-pekerja yang lebih 'senior'. Gaji minima RM900 adalah baik untuk pekerja-pekerja baru tetapi tidak adil kepada pekerja lama. Apakah mekanisme untuk menyesuaikan dan menyelaras gaji di antara pekerja baru dan pekerja lama.
52. PR-1313-L57339
Tan Sri Datuk Seri Panglima Joseph Pairin Kitingan [Keningau] minta **PERDANA MENTERI** menyatakan pendirian beliau terhadap kenyataan seorang Mufti baru-baru ini yang mengeluarkan kenyataan untuk memaksakan Bumiputera Beragama Islam di Sabah dijadikan Melayu sedangkan kita mengamalkan "Unity in Diversity" dan "moderation".
53. PR-1313-L58603
Tuan Mohamed Hanipa bin Maidin [Sepang] minta **MENTERI DALAM NEGERI** menyatakan :-
- (a) statistik jenayah pecah rumah bagi tahun 2012 -2013 di Kawasan Parlimen Sepang; dan
 - (b) di manakah di kawasan Parlimen Sepang dikira kawasan "*hot spot*" jenayah.
54. PR-1313-L58018
Tuan Sim Tong Him [Kota Melaka] minta **MENTERI PELANCONGAN DAN KEBUDAYAAN** menyatakan jumlah peruntukan yang akan diberi kepada negeri Melaka untuk tahun 2014. Senaraikan nama projek-projek dan program pelancongan yang dapat peruntukan daripada Kementerian.
55. PR-1313-L58428
Dato' Johari bin Abdul [Sungai Petani] minta **PERDANA MENTERI** menyatakan :-
- (a) berapakah jumlah semuanya Pegawai dan kakitangan sokongan The Performance Management and Delivery Unit (PEMANDU); dan
 - (b) sejak beroperasi berapa jumlah perbelanjaan yang telah dikeluarkan untuk unit ini.
56. PR-1313-L58631
Tuan Manivanan a/l Gowindasamy [Kapar] minta **MENTERI BELIA DAN SUKAN** menyatakan :-
- (a) statistik anak muda dan belia yang terlibat dalam kes jenayah dan gengsterisme secara berperingkat mengikut skala umur 10-15 tahun, 16-20 tahun, 21-25 tahun, 26-30 tahun, 31-35 tahun dan 36-40 tahun, termasuk pecahan jantina, kaum dan keadaan ekonomi mereka; dan
 - (b) apakah usaha-usaha Kementerian secara terperinci untuk menangani masalah ini.

57. PR-1313-L58923

Tuan Zairil Khir Johari [Bukit Bendera] minta **MENTERI PENDIDIKAN** menyatakan adakah kesemua Bahagian Hal Ehwal dan Pembangunan Pelajar di semua universiti diaudit setiap tahun perbelanjaannya, dan adakah laporan audit ini boleh diakses oleh badan pelajar. Jika tidak, mengapa.

ATURAN URUSAN MESYUARAT DAN USUL-USUL

- | | | | |
|----|----------------|--|-------------------------------|
| 1. | (D.R. 11/2013) | Rang Undang-undang Kesalahan Keselamatan (Langkah-Langkah Khas) (Pindaan) 2013 – Menyambung semula Perbahasan atas masalah, “Bahawa Rang Undang-undang ini dibacakan kali yang kedua sekarang” (23 Oktober, 2013) | |
| 2. | (D.R. 14/2013) | Rang Undang-undang Penjara (Pindaan) 2013 | Bacaan Kali Yang Kedua |
| | | [Menteri Dalam Negeri] | |
| 3. | (D.R. 13/2013) | Rang Undang-undang Bahan-bahan Kakisan dan Letupan dan Senjata Berbahaya (Pindaan) 2013 | “ |
| | | [Menteri Dalam Negeri] | |
| 4. | (D.R. 16/2013) | Rang Undang-undang Rumah Perjudian Terbuka (Pindaan) 2013 | “ |
| | | [Menteri Kewangan] | |
| 5. | (D.R. 17/2013) | Rang Undang-undang Loteri (Pindaan) 2013 | “ |
| | | [Menteri Kewangan] | |
| 6. | (D.R. 18/2013) | Rang Undang-undang Pertaruhan Pool (Pindaan) 2013 | “ |
| | | [Menteri Kewangan] | |
| 7. | (D.R. 15/2013) | Rang Undang-undang Lambang dan Nama (Mencegah Penggunaan Tak Wajar) (Pindaan) 2013 | “ |
| | | [Menteri di Jabatan Perdana Menteri] | |
| 8. | (D.R. 10/2013) | Rang Undang-undang Kanun Tatacara Jenayah (Pindaan) 2013 | “ |
| | | [Menteri di Jabatan Perdana Menteri] | |
| 9. | (D.R. 12/2013) | Rang Undang-undang Keterangan (Pindaan) 2013 | “ |
| | | [Menteri di Jabatan Perdana Menteri] | |

10. (D.R. 19/2013) Rang Undang-undang Fi (Jabatan Muzium Malaysia) (Pengesahan) 2013 “

[Menteri Pelancongan dan Kebudayaan]

11. (D.R. 20/2013) Rang Undang-Undang Dadah Berbahaya (Pindaan) 2013 “

[Menteri Kesihatan]

12. PR-1313-U58205

Datuk Madius Tangau [Tuaran] akan mencadangkan:-

"Menyedari hakikat bahawa hak-hak istimewa Bumiputera di negara ini adalah terpelihara kerana perlindungan itu termaktub dalam Perkara 153 Perlembagaan Persekutuan. Menerima juga hakikat bahawa kewujudan Perkara 153 Perlembagaan Persekutuan yang digubal untuk melindungi hak-hak istimewa Orang-orang Melayu di Semenanjung Malaysia dan suku-suku kaum natif ataupun Orang Asli di Sabah dan Sarawak sepertimana yang terkandung dalam Native Intrepretation Ordinance Sabah. Dan menerima juga hakikat bahawa suku-suku kaum Orang Asli di Semenanjung tidak termasuk dalam senarai di bawah Perkara 153 tersebut. Menyedari juga hakikat bahawa suku-suku kaum Orang Asli di Semenanjung Malaysia merasa tersisih dalam banyak dasar dan program yang dikhaskan untuk membela hak-hak Bumiputera. Menerima juga hakikat bahawa suku-suku kaum Orang Asli adalah ketinggalan jauh di belakang dalam kesemua aspek pembangunan sedangkan mereka ini adalah suku kaum peribumi yang sebenar. Di atas kesedaran tersebut maka saya dengan ini membuat Usul di Dewan yang mulia ini meminta pihak Kerajaan supaya membuat pindaan terhadap Perkara 153 Perlembagaan Persekutuan dengan tujuan untuk memasukkan suku-suku kaum Orang Asli Semenanjung dalam senarai suku-suku kaum yang dilindungi oleh peruntukan Perlembagaan tersebut."

(Perdana Menteri)

13. PR-1313-U59118

Tuan Zairil Khir Johari [Bukit Bendera] akan mencadangkan:-

"Bahawa pada masa ini, 34 peratus sekolah rendah di Malaysia mempunyai kurang daripada 150 murid dan secara rasminya telah diklasifikasikan sebagai Sekolah Kurang Murid (SKM). Mereka menyumbang 7 peratus daripada enrolmen sekolah rendah. Bahawa secara purata, SKM menghasilkan pencapaian akademik yang agak lemah berbanding sekolah kebangsaan yang lain. Skor purata komposit bagi sekolah ini ialah 68 peratus, 4 peratus mata di belakang sekolah kebangsaan lain. Kelemahan dalam prestasi ini boleh dikaitkan dengan tiga cabaran struktur. Bahawa pertama, 7 peratus sekolah kurang murid terpaksa melalui perjalanan yang jauh untuk hadir ke sekolah dan mengurangkan kemungkinan untuk menempatkan guru dan guru besar berprestasi tinggi berkhidmat di sekolah berkenaan."

Bahawa kedua, sekolah ini kurang mendapat manfaat daripada segi kokurikulum, kemudahan yang lebih baik dan interaksi dengan rakan sebaya daripada pelbagai latar belakang. Bahawa ketiga, kebanyakan sekolah ini berada dalam kawasan status sosio ekonomi rendah dan menghadapi masalah yang berkaitan dengan status sosio ekonomi itu. Keluarga berpendapatan rendah biasanya akan berdepan dengan cabaran untuk mengekalkan anak mereka di sekolah kerana terpaksa menanggung kos berkaitan bekalan, pakaian seragam, dan pengangkutan, yang membawa kepada pertambahan kadar tidak hadir ke sekolah. Bahawa perbelanjaan penyelenggaraan adalah 7 kali lebih tinggi untuk setiap murid di SKM berbanding dengan murid di sekolah harian biasa (Ekshibit 4-8). Kos yang tinggi ini ditambah pula dengan nisbah guru murid yang rendah pada kadar 1:6 berbanding purata kebangsaan, iaitu 1:13 sehingga menyebabkan kos operasi untuk SKM menjadi lebih tinggi. Bahawa Dewan ini menggesa Kerajaan mengambil langkah-langkah perlu untuk mengatasi masalah tersebut di atas."

(Kementerian Pendidikan)

14. PR-1313-U57786

Tuan M. Kulasegaran [Ipoh Barat] akan mencadangkan:-

"Bahawa Dewan Parlimen hendaklah mengambil maklum dan mengarahkan Menteri Sumber Manusia untuk membatalkan semua kelulusan untuk syarikat-syarikat yang menundakan pelaksanaan gaji minima."

(Kementerian Sumber Manusia)

15. PR-1313-U58419

Tuan Fong Kui Lun [Bukit Bintang] akan mencadangkan:-

"Bahawa Suruhanjaya Pilihan raya Malaysia dalam proses untuk melaksanakan persempadanan semula kawasan Pilihan raya hendaklah memastikan wujud keseimbangan pemilih antara kawasan Pilihan raya dan mengelak perbuatan menggerimander (gerrymandering) yang merugikan para pemilih."

(Perdana Menteri)

16. PR-1313-U58420

Tuan Fong Kui Lun [Bukit Bintang] akan mencadangkan:-

"Bahawa Kerajaan hendaklah menyalurkan peruntukan tahunan bagi Ahli Parlimen secara adil, baik untuk wakil rakyat BN mahu pun wakil rakyat pembangkang sebagaimana cadangan Kerajaan Negeri Pulau Pinang untuk menyalurkan peruntukan yang sama diterima oleh wakil-wakil rakyat pembangkang kepada wakil-wakil rakyat BN mulai tahun 2014."

(Perdana Menteri)

17. PR-1313-U58688

Tuan Manivanan a/l Gowindasamy [Kapar] akan mencadangkan:-

"Bahawa Dewan menggesa Kementerian Dalam Negeri mempertimbangkan cadangan untuk kes kematian di bawah tahanan Polis Diraja Malaysia, keluarga si mati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan".

(Kementerian Dalam Negeri)

18. PR-1313-U58691

Tuan Manivanan a/l Gowindasamy [Kapar] akan mencadangkan:-

"Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia".

(Kementerian Pendidikan)

19. PR-1313-U59119

Dr. Tan Seng Giaw [Kepong] akan mencadangkan:-

"Bahawa Dewan ini membincangkan isu alternatif untuk mengatasi sisa pepejal di Malaysia termasuk insinerator moden."

(Menteri Kesejahteraan Bandar, Perumahan dan Kerajaan Tempatan)

20. PR-1313-U59120

Dr. Tan Seng Giaw [Kepong] akan mencadangkan:-

"Bahawa Dewan ini mendebatkan dasar dan langkah untuk menangani kemalangan jalan raya di negara ini."

(Menteri Pengangkutan)

**RISALAT-RISALAT YANG DIBAWA KE DALAM MESYUARAT
(DEWAN RAKYAT)**

<u>TAHUN 2013</u>	<u>RISALAT/DOKUMEN</u>	<u>TARIKH DIBENTANGKAN</u>
ST.53	Laporan Tahunan dan Penyata Kewangan LGM Properties Corporation Bagi Tahun 2012.	24 Oktober 2013
CMD.44	Laporan Tahunan Suruhanjaya Perkhidmatan Awam Malaysia Bagi Tahun 2012.	24 Oktober 2013